




00057

偶潔甕鼎煮芽茶可玉弟以雲松吟藁至且  
啜且哦就成小絕并以卷錦  
活火枯樵煮露芽瓢盂顛倒岸  
巖苦可恨山中客未嘉



永加

甲午夏日讀爾雅有感

梁間客燕一采芑韝上飢鷹肉不肥愛殺前溪獲  
屬玉羽毛如雪背人飛

丙申二月既望仲退再來山中意行談舊送

松巢詩集

十六

別張望寄兩絕句其一云別君烏石岡頭路  
一樹梨花照晚煙抱是舊來携手處東風回  
首十三年其二云入山不遠六七里老我應  
行千百回昨日與君談未了今朝策蹇又重  
來讀之黯然次韻用謝

東風滿眼皆陳迹老樹荒園更斷煙今昔相看只  
如此但揀痛飲過年年

夢中幾度尋安道也似當年泛剡回可是山中綠

未斷又從雲外寄詩來

程明夫送枸杞數本侑以古詩兩絕奉謝

丁酉

故人念我忍飢坐送我靈苗意甚勤便作深根千  
歲計雲間要聽吠狺狺

坡翁尚感黃楫意杜老深知萊杞恩此意世間寥  
落久自哦詩句繞荒園

書壁

愛山日凭西樓角聽雨長來破寺中可恨無人同

松巢詩集

十七

此味繞簷疎竹鳥呼風

林父軒云聽雨是人生如  
意事聽雨須山寺破屋中

尋梅十首

戊戌

并附錄吳月灣拾遺稿次  
韻山中尋梅十絕

去年冰雪梅開晚立春半月始見花只今至後未  
五日南枝已破兩三丫

種梅山中十七載出山十年思此花梅花見人

應潦倒令人樵悴筆生丫

冰溪凍合路迢迢雪片疎疎著地消幽香襲人無  
覓處信步行過獨樹橋

想見幽人唵繞樹水枝滴瀝舊痕消幾回夢赴  
山中約古堰西邊雪壓橋

山中峭壁孤絕處瘦樹獨立殊風標我行矯首坐  
嘆息正似高人不可招

山中之人有巢氏山中之樹枝猶標自携一壺  
醉太古雪月相從不待招

石梁溪上鴛鴦樹昔年樵斧摧爲薪詩翁賦詩慰

不遇險語至今驚鬼神

歲戊寅余與芳洲翁意行見之翁賦長句見集中今

松巢詩集

六

廿一年矣

昔人絕嘆殺風景以鶴爲炙松爲薪梅花何罪  
厄斤斧煩君爲語主枝神

牆東一株蒼蘚身故人手斲山中雲封植敢忘角

弓賦每到花開如見君

吾家牆東矮梅壬午仲退手植

東南西北夢中身幾愧烏山石上雲顧謂梅花  
不如汝托根常得伴巢君

首陽食薇千古瘦商山茹芝絕世清誰能嚼花卧

空谷一物不向胸中橫

正將丘壑傲富貴坐使羣芳讓獨清江路野橋  
供俗眼何如幽谷一枝橫

項里苔梅妙天下蜀苑梅龍天下無放翁詩酒白  
石笛二老風流不可摹

騷人不死元水解化作水魂瘦欲無三疊離騷  
招不得水濱疎影君爲摹

種性還如賦苦筍趣味一似傳水壺持此問梅翻

松巢詩集

十九

絕倒荔支瑤柱有同無

暮年擬種梅千樹花下清歌酒百壺畧計此生  
非過分不知造物肯從無

烟蘼收笛不勝哀夢繞西湖幾百回應是詩人有  
餘恨斷橋流水爲誰開

扁舟欲向西湖去復作稽山載酒回和靖已仙  
賀老死梅花見說不曾開

十畝荒園野水邊盡栽梅樹不論錢珍重木瓢任

真率年年携此醉花前

巢中高士灣頭客日賦梅花無一錢八百斛椒

釵十二不堪持到此花前

九月廿五夜小雨成雪 己亥

秋來多病怯新寒香冷衣篝夢易殘夜半忽驚風

雨惡開門雪已滿前山

寄芳洲先生 庚子

山中二十三年約今日尋詩始得來舉瓢酌水爲

松巢詩集

三

君壽從此登臨歲一回

周郎折簡應難致退叟高騫招不來石上留題有

神護不教雨漬長蒼苔

時人近日多輕士造物從來亦忌名只有青山無

世態與君一見若平生

官衙雅自賀水部文學老于元道州如此身名應

貴重世間清濁易同流

生來道義勝紛華晚抱遺經學種瓜猶有愛山心

不厭時時幽夢到煙霞

雪中夜坐雜詠十首

數間老屋雲松下半畝方塘水竹村  
先生觀化耿獨坐不覺寒深雪塞門

簷頭風鉄響錚錚簷外浪浪槁葉鳴  
剝有宮商人未識一爐活火聽瓶笙

讀書聲歇茶初熟古鼎香銷詩未成  
起喚歐蘇索白戰天高海濶不勝情

松巢詩集

三

古人何者是一朽擧世何人善打乖  
揔是流連光景處天分幽宰屬吾儕

文章有皮有骨髓欲參此語如參禪  
我從諸老得印可妙處可悟不可傳

古人骨爛心猶在欲觀古人觀其心  
我讀古書忘寢食去之千載一如今

何人求死不得死有士欲生而舍生  
誰謂古今人品異要於出處自權衡

穀粟桑麻里俗淳農談竟夕意采真半壺濁酒陶  
陶醉便是羲皇以上人

絕憐山井松間寺門逕漫漫雪作堆衲僧定起夜  
將半自撥寒爐分芋魁

看梅不睡非愁夜對酒高談別是春水井山南清  
典發遲明踏雪度煙津

二月望暫寓山中感舊

辛丑

出山兩足浣塵土幾夜夢聽山中泉行到向來結

松巢詩集

三

藟處瘦藤枯樹仍風煙

藟茨高下倚蒼石畧約參差跨碧流白髮前坡兩

翁媪相逢漫說十春秋

野花綠水紅香動石壁晴霞倒影竒好句詩人曾

拾得重來絕笑劍痕癡

仲退丙戌觀山有云微  
波蕩晴墩倒影動懸壁

石曰凝泉瑩似冰山椒雲氣起如蒸小溪流出桃

花片我欲窮源客不能

病瘡新差伸退折梅一枝冒雪跨驢訪我松



下且賦詩一首次韻以謝鵬月廿八日也

破雪折梅相料理要將春信報新年獨跨瘦驢披  
鶴氅更於何處覓神仙

鵬月廿九日芳洲寄綠萼梅一枝詩二首次

韻爲謝

故人雪裏寄梅花妙句清寒逼齒牙睡起病隨殘  
鵬去坐看神水長金華

鶴背從來不載錢老梅風雪是忘年春風若肯留

松巢詩集

二三

相待定趣灣頭水上舡

仲退有泛舟  
往見之約

挽李思宣

壬寅  
三首錄其一

芝山携酒詩猶在芹泮橫經夢已空篋底更藏書  
數紙不堪和淚對秋風

次韻謝拙逸見寄

癸卯  
二首錄一

魚雁迢迢不一書尋眞豈爲出無驢去年偶誤梅  
花約心密何須泥迹疎

與弋陽徐覺民主簿

昔年熟看靈山面常怪寶氣充其間此行乃與公  
相識不負平生識此山

文章政事本一貫道在從教俗論譁爲問匆匆赴

期會何如騎馬看煙霞

覺民見任處州遂昌簿  
因訟省委修造上清宮

向來自許千年鶴老去真成六日蟾且喜宗盟今  
日合歸程不惜爲公淹

送從弟蘭玉視牘柳州

昔大德七年  
三首錄二三

柳侯種柳柳江邊歲歲春風歲歲妍若訪韓碑尋

松巢詩集

二四

柳廟爲持菊蘂薦寒泉

折花呼酒醉南樓草草三年一笑留今日要游難

似舊玉釵占喜白雲秋

再用韻送謝拙遊

久悟看山勝看書夢中猶愛倒騎驢武夷風有煙

霞侶日斷晴雲雁影疎

辟俗尋常晝掩門弄丸聊復了朝昏折梅且寄春

風信終待相逢慰渴魂

馬天心遠游而歸椎髻變而巾幘袖衣變而  
逢掖名字號俱變書亦學顏作三詩寄之

甲辰

原三首錄  
其一其三

帝上磊落太師字行間笑兀玄晏名斯人變幻不  
可測卒然見之令人驚

風流千載賀知章晚歲黃冠歸故鄉三島煙霞鏡

湖月此意與之誰短長

馬所居  
號三島

送馬君采赴忠定書院教諭

乙巳  
錄其一

原三首  
其三

松巢詩集

三五

吾鄉灣頭有明月照映空山艸木寒頗怪近來光

采變乃知珠徒上餘干

馬所居  
各珠灣

孤城上與白雲齊唐宋諸人舊有題弔古不須深

感慨但教殘剩付歸奚

贈別高則山王叔浩

四首錄  
三四

采詩直須別具眼論人尤貴平其心莫重所聞輕

所見四方岩穴有知音

則山常采  
詩四方

孤洲蘭蓋春風晚老樹絲苓夜雨寒何日抱琴重

過我焚香炙茗聽君彈

題小齋壁

丁未

賣藥城南二十秋得錢取醉酒家樓  
近來不敢出山去怕有人呼韓伯休

題鄧梅邊買驢卷後

庚戌

出市難逢陳處士叩門誰識傅先生  
此行若遇孫郎宴借筆不妨題子名

次韻怡如解嘲

松巢詩集

三

子敦尚受坡翁謔山谷何心戲炳之  
抵掌相看成一咲折肱始信是良醫

過歇嶺

丁巳

四山竹樹與雲齊  
澗水東流江水西  
獨策短筇過歇嶺  
亂峯疊疊翠禽啼

晚行三橋

晚涼信步十三灣  
疎柳高荷欲半殘  
時有小舟橋下過  
無言獨倚石闌干

靈芝寺

爲愛嘉名似故鄉  
芒鞋日日此徜徉  
非闕貪禮瞿  
曇相自是三生有  
願香

八月十八日觀潮

海門乍見一線白  
江下濤頭十丈黃  
數點紅旗爭  
出沒千艘飛櫓下  
滄浪

登釣臺

雪手升堂讀古碑  
先生應咲鬢成絲  
滿庭黃葉無

松巢詩集

三七

人掃唯有清風似  
舊時

欲薦山中十九泉  
荒榛塞路上無緣  
淒涼不盡懷

賢意黃朝催呼蚤  
下舫

泉在山頂舊有扁此行不及見

舟行不勝節物之感

客中無酒浣羈愁  
想見家山菊自秋  
記取今年重  
九日大郎灘下泛孤舟

次馬初心韻

良朋難合易參差  
處獨頻頻入夢思  
歲晚得君相

料理老懷磊落更誰知

濁酒陶陶時一鍾柴門牢鍵畏迎逢夜來風雪敲  
窓昏喜見前山玉作峯

戊午元旦

爆竹聲殘曉色分漫天雪片報新春絕憐今日屠  
蘇酒不見丁年共飲人

屋角紅梅雪裏香索人管領意深長老松秀出千  
林表甲裂皮皴色轉蒼

松巢詩集

六

次韻月灣東湖十咏其一兩堤柳色

廢壘迢迢睥睨連兩堤橫截鎖蒼煙柳絲繫得春  
光任畫舫時時雜釣舡

雙塔鈴音

浮屠雙筆仰書天簷鐸吟風破曙煙似爲衆生說  
般若興亾莫問劫灰年

孔廟松風

蒼然五鬣東海來直幹參天不可回堂上不聞金

石韻空中時聽殷晴雷

顏亭荷雨

悉雨高荷承走盤顏公一去歲如千天公不爲游  
人計端爲忠臣雪怒肝

湖中孤寺

崔嵬銀屋澗相圍笑兀禪房水半扉便是金山古  
蘭若坐看孤鳥斷雲飛

洲上百花

松巢詩集

九

後臺花發映前臺紅紫成林綠作堆三日一花尤  
盡在願言均作四時開

薦福茶煙

老衲松根拾槁枝石鑪煑茗日舒遲青青亭上晴  
雲散正是禪僧出定時

新橋酒旆

裊裊垂楊映小樓吳姬喚客酒新筍倚簷高揭青  
帘處認取牆東甃上頭

江城暮角

梅花三疊暮雲橫  
戍客懷鄉夢自驚  
縱是時平爭戰息  
不堪吹出入雲聲

芝嶠晴雲

深谷逶迤縹緲中  
白衣遙映曉暎紅  
時清不嘆唐虞遠  
可有商山四老翁

七月十七夜夢中見  
亡孫概覺而悽愴不已

時延祐五年也  
予年六十五矣

松巢詩集

三

夢汝頽然立我傍  
言辭慷慨巧趨滄  
覺來落月明窓戶  
撫枕潸然泪滿床

對菊用先大父雲巖先生仰高堂壁間韻

小圃秋花孰是強  
唯餘老菊殿年光  
寒英不獨華予晚  
九死猶能不改香

讀靖節和靖詩偶成寄仲退

逋仙只住西湖上  
靖節終身栗里中  
千古修名垂宇宙  
何曾南北與西東



次韻江道可見寄五絕

錄其三  
共五

戎塵塵沙汗血勞君如孤鶴立危梢何時過我長  
松下共候風爐湧雪霽

世間萬事匪人爲消長神機祇自知飲酒不求千  
日醉讀書空悔十年遲

次韻寄題文溪許氏秋圃

庚申

我看黃花意甚長紛紛蕭艾不能荒無論楚晉韓  
家事萬古秋風只自芳

松巢詩集

三

飯牛

飯牛夙志老方酬看似瀉山水牯牛水草尋常自  
調伏鼻端不用拽繩頭

腰痛苦甚戲作二絕句

錄其一

十萬腰纏不足珍腰圍頓減可憐人折腰不爲五  
斗米彭澤元來解忍貧

正月念七月灣來訪折千葉紅梅一枝爲贈

喜聞環佩響然臻笑語芬芳絕世塵林壑荒涼無

所有殷勤送似一枝春

七月十六夜對月有感

合上俱  
壬戌

神遊赤壁水光浮想見元豐壬戌秋甲子四周月  
長好更無人續宋風流

卷之二

五言今體

次韻吳仲退見貽

戊寅

瘦竹相隨立輕堅九節青川平雲澹澹風定樹亭  
松巢詩集

三

亭汨沒悲流俗驅馳累有形揜關差有味危坐玩  
羲經

天秋分袂後擾擾似年時竟負梅花約空哦春樹  
詩斷崖粘凍雪碎石漾流漸悵望灣頭路扁舟樂  
泳思

溪上晚眺

望逐飛雲去天低落景黃江湖流不盡宇宙事何  
長帆影行空潤漁歌出莽蒼沙平秋草遠鷗鷺未

相忌

秋夜

沉沉秋夜靜輕策步中庭止酒天真澹烹茶世夢醒  
風枝繞驚鵲露艸度流螢物化猶如此浮生可得停

臨泉寺

扁舟駐寒瀨輕策到臨泉僧說黃巢事碑鏡慶曆年  
幽花荒蕘晚落木古城煙興廢俱陳迹相看一

松巢詩集

三

惘然

重過鐘潭寺月灣有詩次韻

癸未

五年三到此門逕怪類移絕壁何年樹空廊異代  
碑微瀨生古瀨浮翠擁修眉煮茗談時事山僧憶  
未知

無庵道人贈硯報之以詩

別去驚離索重來更劇談送人還有硯任世却無  
菴白鶴千年化黃梁蒿枕酣區中緣未畢一見一

回慚

求余敬可字與小兒習不至

點黠今誰妙波戈古莫稽要令識陣馬不是厭家  
雞鄴瓦玄雲濕溪藤暮雨淒媿無鵝可換萬一付  
歸奚

月礪自枕歸以詩問訊

記別秋風裏聞歸禁火初深慚聊爾耳久闕問何  
如梅雪西湖鶴潮風東海魚經行入詩否早晚叩  
松巢詩集

三四

精廬

涉世

涉世頭將白貌詩貌欲枯晨齋參玉版夜渴飲冰  
壺咄咄知今是栖栖媿故吾窮通端有命一咲視  
平蕪

題舊藁

書向愁邊著詩添病後嗟不成千古事空費一生  
心華髮江湖晚青燈風雪深鍾期那可鑄塵網斷

紉琴

坡詩火急著書千古事唐詩吟成五字句用破一生心

醉中作

歲月驚虛擲風霜信飽更蚤知窮有命惟以飲留  
名人事宜藏拙天工亦惡盈浩歌因起舞月到紙  
窓明

戊子元日

歲歲春風年年山澤儒不知老將至但有醉如  
愚殘雪明岡阜新晴樂鳥鳥身安卽如願何必問  
松巢詩集

清湖

雨中對酌醺

隱隱滃綠霧盈盈積玉塵濃香欲醉客妙質不爭  
春已是園林晚那堪風雨頻先生如有素終日澹  
相親

讀畫史

子敬因成駁曹興偶畫蠅初非有意作竟以絕倫  
稱鑄錯吾何恨求全古所懲中年思爛熟巧力不

須矜

題王朝英修竹齋

文章虎豹皮標格雪霜枝孤立天所賦一清人得  
知勿論千戶等可忍十年飢會得箇中趣何須汗  
漫期

對此莫論無肉瘦閉門  
可忍十年飢枚翁詩也

與陳善從

出門小天下知予欲昌詩廬阜孤雲眼芝山夜雨  
思勿輕千里別動是隔年期萬一踰淮去毋忘橘

松巢詩集

三

頌詞

陳尊人家廬阜  
其弟寓鄱陽

庚寅正月十六携家入山大雪彌旬止既月  
叔祖東綠翁以那知風雨夜復此對床眠分  
韻瑞得那眠字

辟俗過逢少離居感慨多豈伊泉石勝柰此簡書  
何風雪日如此乾坤理則那隣翁能貫酒一笑且

酣歌

骨肉終青眼一林有素緣偶來成許日此聚豈非

天悟解由災疾遲留費歲年東風方作惡萬事付  
佳眠

夏五有旨徙豪右郡邑以吾家充數與章  
正卿同泊舟琵琶洲下

去國羈懷惡開帆眼界新同爲萬里客猶是一鄉  
人浪說王孫富誰憐郭解貧江妃應笑我從此素  
衣塵

故友湯景文別六年乃十月廿一尋我松下

松巢詩集

三七

臨別見贈次韻奉荅

丁酉湯名琛  
東澗公從弟

占氣頰翹首青牛忽度關相看雙眼碧劇論寸心  
丹時俗容遲鈍交情見在還盟言天爲聽萬一莫

辭難

景文與瑞有讀書山  
間尋真方外之約

次韻景文社屋留題

四海誰知已江濤正渺然山林聊偃息歲月易流  
連行李清霜曉荒祠落木天留題不盡意感激尚  
君賢

馬可卿棄家學道衲衣堆髻飄然有物外之

思賦二詩爲贈

戊戌

去去休驚俗循循且任真端能一宿覺不負百年  
身有種穀斯熟深根樹自春向來陳處士還帶華

陽中

我祖徐從事君家馬自然何曾絕倫誼皆得列神  
仙四百年金丹字參同鼎器篇能通言外意卽此是

單傳

魏伯陽以參同契授徐從事張平叔以金丹四百字授馬自然

松巢詩集

三

次韻芳洲見寄

地偏寡迎送書至慰蹉跎此世知音少吾生可悔  
多虛懷忘寵辱遇物任離何未了山中約期君難  
重過

次仲退賦牡丹韻詩中有欲將傾國色故惱

在家禪之句

己亥

雨餘春意足睡起曉光懸衆卉自開落吾心無醜  
妍掃空方是道下語已非禪隱几悠然久疎林起



淡烟

吳義甫號宜山以星纏推賤庚并遺以詩次

韻奉謝 庚子

爲愛山宜隱從教世莫知虛心觀象緯戲墨出蛟

螭詩卷今餘事丹爐彼一時宜山子姚子千載共

風期 吳尊人常管別墅館方外士雅意丹學○陳后山集有送姚先生歸宜山三絕姚蓋得道

之士而且山乃其隱所也

十月乙酉西山訖事悼亡二首

松巢詩集

三元

渺渺篔簹夢茫茫石鏡綠斷絃終莫續浮沫更堪

憐濕土新阡雨啼鴉老樹煙一聲鄰笛起淒咽泪

如泉

我已空諸幻君今斷後緣圓明應頓悟成壞不須

憐玉宇行孤月冰溪破冥烟兒曹修非薦再拜辭

寒泉

送姚聖可歸盱江 丙午

識面三年久論心此日同相從方欵欵索去又忽

念宇宙塵機息江湖老眼空南枝春信早歸路載  
東風

未了區中事先留方外盟仙才雖有數大器豈無  
成白髮高堂夢青山故國情君歸相慰藉未及水  
初生

次韻東臯雨後行

久雨書闌坐初晴竹伴行遠林更舊綠流水帶新  
聲隨境皆天趣無心任世情苾田公獨樂吟嘯了

松臯詩集

四十一

浮生

苾田東  
臯寓居

梅山周公挽章

戊申  
首錄二二三

才力千鈞弩襟期百尺樓吾生能幾見異世有同  
流起起悲前夢堂堂闕一丘哀榮動州里外此復  
何求

東閣游從久西州慟哭頻感君敦古誼待我異他  
人對酒言猶在看山迹已陳惟應舊賓客相對一  
沾巾

寄周南翁用月灣寒食韻

獨夢雲千里清愁雨一林江山空有約桃李易成  
陰自是乖幽賞何由話苦心興來當選造剪燭夜  
堂深

夏日讀陶常詩偶成

庚戌

詩道貴和平由來寫性情要知衝口出絕勝撚髭  
成理到辭須達神超韻自清無人融此趣庭戶綠  
陰生

松巢詩集

四

吳長裕惠詩次韻爲贈

丙辰月  
灣之長孫

此士睽違久流年倏忽更詞章如水進談笑喜風  
生無以小害大當期實勝名傳家有細法晦木定  
春榮

李田道中

老樹圍修竹清流浸白沙沿山石磊砢隔岸路  
又漸漸鄉音別迢迢去意驟淪茶誰氏女鬢髮墮

烏鴉

除夜哭仲孫概

階庭皆秀發念汝獨敦龐處事怯藏勇臨機智若  
鷗痛渠二豎惡何日片心降硯席凝塵滿依然在  
北窓

我老那堪哭吞聲泪一襟應門差慰眼伏枕獨傷  
心白璧歸黃壤孤墳寄古林淒涼重泣痛臨絕有  
遺音

次劉東仲見寄咏

戊午

松巢詩集

四二

手姿明玉樹清論瀉秋泉霧豹文何澤風鸞意自  
仙超然由靜悟妙處可言傳倘遂卜鄰願游從不  
計年

用月灣咏寄題江儀仲心遠堂

辛酉

湛湛秋潭靜沉沉夜璧光歛之不盈握舒則可包  
荒今古事無盡乾坤夢正長爐香清晝永物我兩  
俱忘

表兄王俊夫客當塗以古詩見寄賦此奉謝  
日嘆離羣淹在茲詩來一讀一相思人言毛遂早  
成事我怪何蕃久不歸燈火十年俱舊夢江湖萬  
里有新知秋風蕭颯蘋花老目斷晴雲片片飛

客邸呈諸友

癸未

不用猖狂放泣岐回車復路未爲非客愁無奈唯  
憑酒口業未除猶說詩騎鶴吹笙初志在聞雞舞  
劍壯心遶秋風紅葉青山下準擬相携把菊枝

松巢詩集

四三

客談西湖舊事感而賦詩

湖上輕風颭酒旗水光山色漾晴暉紅塵駿馬青  
絲鞵畫舫佳人白紵詞錦瑟兩行春宴罷玉笙十  
里夜遊歸錢塘一枕繁華夢回首淒涼鬢欲絲

王子賢疲於役移家彭澤示詩索和

何人筆削晉東西豈是王家父子癡可柰秋風吹  
破屋誰憐夜月揀寒枝載書共羨知幾早懷上空  
慚見事遲欲理瘦筇尋五柳摩挲方竹已成規

歸來 丁亥

歸來便覺此身尊，傲世猶嫌習氣存。已是半生走  
風雨，但持一笑信乾坤。貪閒且復逃空谷，自衛終  
羞倚市門。庭院綠陰生，午寂坐聽禽語對清樽。

東綠叔祖得圍池之勝於萬山深處，將拔宅  
而居焉，以詩奉餞。時至元二十四年丁亥歲。

兩僮自足負琴書，載具何勞遠借車。客至未妨投  
轄飲，地荒正好帶經鉏。欲從隱者歸盤谷，尚念先

松巢詩集

四

人有敝廬擇勝懷，居竟誰是定知明。哲笑迂疎

東綠翁既居山中，而瑞方葺敝廬，再用前韻。  
見說移居只載書，高人從此可懸車。看松北嶼風  
吹面，種豆南山月滿鉏。拙計不能爭子所，癡心尚  
自愛吾廬。辟人辟世將焉擇，獨立西風鬢影疎。

留汪子明 戊子

美人渺渺隔秋水，六年不見心茫茫。麥昂黍低各  
自媚，鶴長鳧短庸何傷。荷鉏未厭素業在，讀書從

來真味長是間偏反不稱意待晴携酒登重岡  
次韻寄題李氏月心精舍

坎陽爲心亦爲月妙質一點何玲瓏君看靈光湛  
止水孰與明鏡行秋空萬古媚媚不改色百年忽  
忽俱成翁盈虛如彼莫消長談參此語將無同

次韻陳心田郊居卽事二首

想見從來種種迂讀書採藥灌園蔬看山不厭風  
期別與世相忘機事疎正自未妨犀首飲足知不

松巢詩集

四五

作子公書詩名莫落江湖去怕有人來畫子廬  
五老亭亭翠塞門煙霏雲氣濕前軒浮華安有千  
年寶至潔何如一尺渾曉瀑分寒歸茗椀春江瀉  
綠入藤樽君詩已是肱三折爲我探囊試合昏

用仲退韻別周南翁

壬辰

薄俗難諧祇自知百年幾見費心思平生鮑叔深  
憐我後代揚雲不並時春雨情懷唯有酒男兒歲  
月但供詩汀洲草長東風軟一笑旗亭又語離

癸巳二月寓城與趙希文

趙名禎遠  
號菊泉

城郭春深午夢醒  
覺來玄思獨冥靜  
中自笑渠非我  
醉裏渾忘影  
荅形有客不傳皇  
極數何人獨愛太  
玄經  
古今此意誰能會  
雨暗長堤草樹青

壁侍者來訪作此贈之

丙申

俗論卑卑不足聞  
相從松下慰離羣  
喜師一吸西江水  
許我平分萃嶽雲  
更向鋒前來妙悟  
莫于紙上泥  
陳文純陽石薛黃龍老肥瘦何曾彼此分

張非

松巢詩集

四六

崖未第時致書陳希夷欲分萃山一半○純陽真人參黃龍禪師○石杏林真人度薛道老和尚

寄芳洲先生

秋入郊原四望空  
石梁老樹立西風  
文章子不減班椽  
丘壑吾能過庾公  
池上紛紛成底事  
尊前兀兀有奇功  
山中芋栗今朝熟  
萬一尋盟楫楸紅

用前韻寄仲退

虛堂宴坐萬緣空  
疎竹泠泠度晚風  
政自悠悠隨世運  
無論憤憤到天公  
病來茗枕成奇祟  
老去蒲



圖策雋功忽憶樂平吳  
且學八年不共地爐紅

芳洲寄示和章且及方外之學再疊奉謝

前修零落典刑空  
堆筆須君振古風  
敢意巖詩編

杜集世希顏詠黜山公

顏延年評竹林七賢山濤王戎以貴盛黜而不取仍

作五君詠

區中隨順何妨道  
物外狎狂更有功  
安得相

携登岱嶽天門夜看海濤紅

芳洲次韻云欲寄音書碧宇空幾回溪上

佇秋風離愁自嘆三千丈  
飛夢長隨十八公  
尚喜

蘭孫懷舊好頗疑梨棗闕新功  
寅君近况知何似想見丹爐夜夜紅  
以公乃寅生也

松巢詩集

七

三月廿夜同徐月齋讀參同契次所贈詩韻

以謝 丁酉

天高地下物林林  
生化無過陽與陰  
誰向一中窺

微妙君子靜處見  
幾深蟾烏有象明  
生鏡桐梓何

情音在琴正好小  
留論此事可堪杜  
宇促歸陰

對酒

坎止流行信此身  
只憑詩酒過殘春  
地偏自覺日

戒趣道在何妨  
歲食貧且養金丹  
娛晚境難將白

髮事昔人但餘未了名山債竹杖芒鞋入夢頻

余自戊子至丁酉十年之間詩不及百首而  
困窮流落之狀歷歷可見雖然政使歲得百  
首亦不過流連光景而已焉攸用感嘆之餘  
賦此自警

吾生汨汨何所就祇送流光添鬢絲起尋諸老已  
半鬼回首十年無百詩刻意文章終害道無心世  
路任多岐便須擘劃三千歲不任青城卽武夷

松巢詩集

四八

寄宗玉弟

日長獨坐耿相思每報平安慰我飢舉動豈知遭  
齒舌送迎誰念用符移轉丸鳴鏑應無滯網錦毀  
旌未是癡更著加餐題紙背晚成在子莫憂遲

偶題

陶公恒得法外意張顛獨悟書中神口耳不到方  
是妙言動可擬皆非真寒泉泠泠出空谷幽鳥麀  
麀鳴陽春政索解人不可得舉似休子繼成真

